



Javna ustanova «Služba za zapošljavanje Kantona Sarajevo» Sarajevo, u skladu sa članom 9. stav 2. Zakona o posredovanju u zapošljavanju i socijalnoj sigurnosti nezaposlenih osoba u Kantonu Sarajevo („Službene novine Kantona Sarajevo“, br. 4/04, 29/09 i 18/13), te Programa mjera za podsticaj zapošljavanja i održavanja više stope zaposlenosti u Kantonu Sarajevo u 2017. godini, br: 02-05-20150-13.1/17 od 02.06.2017.godine, 02-05-32196-4.1/17 od 02.11.2017.godine i 02-05-1224-4.1/18 od 18.01.2018.godine, o b j a v l j u j e:

**JAVNI POZIV ZDRAVSTVENIM USTANOVAMA  
DA SE PRIJAVE ZA UČEŠĆE U PROGRAMU  
SUFINANSIRANJA ZAPOŠLJAVANJA DOKTORA MEDICINE**

**I**

U cilju realizacije Programa mjera za podsticaj zapošljavanja i održavanja više stope zaposlenosti u Kantonu Sarajevo u 2017. godini sa načinom i kriterijima za realizaciju, Javna ustanova «Služba za zapošljavanje Kantona Sarajevo» Sarajevo (u daljem tekstu: Služba) poziva javne i privatne zdravstvene ustanove da prijave potrebu za zapošljavanjem doktora medicine, prijavljenih na evidenciju nezaposlenih Službe, prije objave javnog poziva za ovaj program i dalje do potpisivanja ugovora o radu sa zdravstvenom ustanovom kojoj su odobrena sredstva u ovom programu, a prema odluci i redosljedu Ministarstva zdravstva Kantona Sarajevo.

Cilj Programa sufinansiranja zapošljavanja doktora medicine (u daljem tekstu: Program zapošljavanja doktora) je novo zapošljavanje i obezbjeđenje potrebne kvalifikacione strukture radne snage.

**II**

Planirana sredstva za ove namjene iznose 1.092.000,00 KM, a cilj je zapošljavanje 70 nezaposlenih doktora medicine.

Služba će zdravstvenim ustanovama koje budu obuhvaćene Programom zapošljavanja doktora, mjesečno, 12 mjeseci, refundirati sredstva iznosu od 1.300,00 KM po novouposlenoj osobi za dio isplate plaće i uplatu zakonom propisanih poreza i doprinosa.

**III**

Zdravstvene ustanove koje žele da učestvuju u Programu zapošljavanja doktora dužne su:

1. podnijeti aplikaciju u roku predviđenom u javnom pozivu,
2. uz aplikaciju priložiti: rješenje o registraciji u Kantonu Sarajevo, uvjerenje o poreskoj registraciji sa identifikacionim brojem, uvjerenje o izmirenim obavezama po osnovu poreza i doprinosa ne starije od 30 dana od dana objave javnog poziva (izdat od strane Porezne uprave Federacije Bosne i Hercegovine), uvjerenje o izmirenim obavezama poreza na dodatnu vrijednost ukoliko je podnosilac aplikacije PDV obveznik (izdat od strane Uprave za indirektno oporezivanje Bosne i Hercegovine) i broj računa u banci (ako je poslodavac budžetski korskornik šifra budžetskog korisnika), sve u originalu ili ovjerenoj fotokopiji.

**IV**

Zdravstvene ustanove koje redovno ne izmiruju obaveze uplate javnih prihoda ne mogu učestvovati u Programu zapošljavanja doktora, osim u slučaju kad zdravstvena ustanova ima potpisan ugovor sa Poreznom upravom Federacije Bosne i Hercegovine i Upravom za indirektno oporezivanje o uplati duga na rate u kom slučaju je zdravstvena ustanova dužna dostaviti potvrdu Porezne uprave Federacije Bosne i Hercegovine i/ili Uprave za indirektno oporezivanje ili uvjerenje da vrši uplate po potpisanom ugovoru.

## V

Prednost za učešće u Programu zapošljavanja doktora imat će javne zdravstvene ustanove, zdravstvene ustanove koje su bili korisnici programa sufinansiranja zapošljavanja u prethodne tri godine i koje su po isteku perioda sufinansiranja zadržale sve ili dio sufinansiranih osoba kao i zdravstvene ustanove koje trenutno nisu korisnici program sufinansiranja zapošljavanja koje finansira Vlada FBiH, Služba ili Federalni zavod za zapošljavanje.

## VI

Obrasci za podnošenje Zahtjeva mogu se dobiti u Odjeljenju za podsticajne mjere zapošljavanja, Ulica Đoke Mazalića 3, kancelarija br.15/I, ili preuzeti sa web stranice Službe [www.szks.ba](http://www.szks.ba).

## VII

Javni poziv ostaje otvoren 15 dana od dana posljednjeg objavljivanja. Nepotpuni i neblagovremeni zahtjevi neće se uzeti u razmatranje

## VIII

Rezultati ovog javnog poziva biće objavljeni na web stranici Službe.

Prijedlog liste poslodavaca za učešće u ovom programu, na osnovu dostavljene liste od strane Službe biće sačinjen uz saglasnost Ministarstva zdravstva Kantona Sarajevo, a cjeneci stvarne pojedinačne potrebe po zanimanjima za svaku zdravstvenu ustanovu pojedinačno.

## IX

Služba će sa poslodavcima koji budu obuhvaćeni Programom zapošljavanja doktora, zaključiti ugovore kojima će biti regulisana sva prava i obaveze ugovornih strana, u skladu sa Programom.

Rok za realizaciju Programa zapošljavanja doktora je 18 mjeseci od dana potpisivanja ugovora, uključujući i eventualne anexe ugovora.

## X

Zahtjevi, sa potrebnom dokumentacijom, podnose se neposredno ili preporučeno putem pošte Javnoj ustanovi «Služba za zapošljavanje Kantona Sarajevo» Sarajevo, Ulica Đoke Mazalića broj 3, sa napomenom: Za Program sufinansiranja zapošljavanja doktora medicine.

Dodatne informacije mogu se dobiti u Odjeljenju za podsticajne mjere zapošljavanja, ili putem telefona 033/ 569-100.

---

Sarajevo, Đoke Mazalića 3,  
web-stranica: [www.szks.ba](http://www.szks.ba); e-mail adresa: [juszzks@bih.net.ba](mailto:juszzks@bih.net.ba)  
Tel/:+387 (33) 569-100, fax: 204-177; Matični broj: 4200304610003;  
Poreski broj: 01079085; Računi NLB Banka d.d., Tuzla broj:  
1320102014880173-depozitni račun, 1320102014880270-transakcijski račun



Cert. br. ICS 1004-QMS 361 2016

**PODNOŠILAC ZAHTJEVA**

BROJ : \_\_\_\_\_

DATUM : \_\_\_\_\_

**JAVNA USTANOVA «SLUŽBA ZA ZAPOŠLJAVANJE  
KANTONA SARAJEVO» - SARAJEVO  
Ul. Đoke Mazalića 3 - Sarajevo**

**ZAHTJEV  
ZA UČEŠĆE U PROGRAMU SUFINANSIRANJA ZAPOŠLJAVANJA DOKTORA  
MEDICINE**

**I. Opći podaci o zdravstvenoj ustanovi**

1. Naziv ustanove \_\_\_\_\_

Sjedište (općina), ulica i broj \_\_\_\_\_

Identifikacijski broj

--	--	--	--	--	--	--	--	--	--	--	--	--	--	--	--	--	--	--	--

2. Ovlaštena osoba \_\_\_\_\_

3. Telefon: \_\_\_\_\_

Fax: \_\_\_\_\_

4. Kontakt osoba \_\_\_\_\_

5. Datum i mjesto registracije \_\_\_\_\_

6. Potreban broj doktora medicine za sufinansiranje zapošljavanja \_\_\_\_\_

M P

\_\_\_\_\_  
(ime i prezime ovlaštene osobe i potpis)

**Dokumentacija uz zahtjev  
za učešće u Programu sufinansiranja zapošljavanja doktora medicine**

1. podnijeti aplikaciju u roku predviđenom u javnom pozivu,
2. uz aplikaciju priložiti: rješenje o registraciji u Kantonu Sarajevo, uvjerenje o poreskoj registraciji sa identifikacionim brojem, uvjerenje o izmirenim obavezama po osnovu poreza i doprinosa ne starije od 30 dana od dana objave javnog poziva (izdat od strane Porezne uprave Federacije Bosne i Hercegovine), uvjerenje o izmirenim obavezama poreza na dodatnu vrijednost ukoliko je podnosilac aplikacije PDV obveznik (izdat od strane Uprave za indirektno oporezivanje Bosne i Hercegovine) i broj računa u banci (ako je poslodavac budžetski korisnik šifra budžetskog korisnika), sve u originalu ili ovjerenoj fotokopiji.

**NAPOMENA POSLODAVCIMA:**

**Ugovore o radu ne zaključivati prije potpisivanja Ugovora o sufinansiranju sa JU  
«Služba za zapošljavanje Kantona Sarajevo» Sarajevo**